



Deporte Local

Devon Hodge a haya reconocimiento internacional



ORANJESTAD (AAN)- Refree Devon Hodge di Aruba a duna un seminario nan tur e refreenan di e organisacion di Monterey Mexico pa W.M.F. Mas di 50 refree a participa na e seminario aki di 2 ora. E Mexicanonan a keda satisfecho cu e seminario. Despues di e seminario diasabra a sigi e campeonato su diadomingo cu tabata un hopi largo segun Devon, pasobra a cuminsa 10'or di mainta y caba pa 8:00 di anochi. Mas di 140 pelea a tuma luga e dia ey so hopi trabou pero un tremendo evento y cu hopi disciplina mes. E ta e evento mas grandi na Mexico caminda mas cu 6 mil per-

sona tabata riba pia pa wak pelea. Aruba su atletanan a hasi un tremendo trabou y a logra loke nan a bay pa hasi y bin cu premionan inclui esun maximo. Pa Devon e deporte di Muay thai e ultimo 3 aña a crese hopi mes, hopi atleta cu nivel y ta logrando hopi mes den exterior. El a yama danki na M.T.K.A. dirigi pa e gran maestro Roony Boye cu ta trahando duro hunto cu e federacion di Aruba y su staf cu e federacion internacional. "No ta facil pa hasi esaki mi mes a kere esak, ta te ora bo ta den dje bo mes bo lo ripara e trabou nan cu tin pa yega unda Aruba ta den e deporte aki di muay thai. Un danki

tambe pa dunami e confianza pa representa Aruba y e bond unda cu mi bay. E anochi di e competencia mi a wordo sorpresa pa e organisacion di Mexico cu un reconocimiento pa e trabou cu mi ta hasiendo pa e deporte di muay thai pa e propio presidente y organisador Oscar Vasquez. Nan a keda masha contento cu e trabou cu mi a hasi y ta hasiendo pa e deporte aki. Mi a keda hopi contento y orguyoso di ta un Arubiano representando mi pais. Hopi pabien na e atletanan di Aruba cu a hasi un tremendo papel y a defende nos bandera hopi bon. Sigi asina bon trabou."